

PWYLLGOR CRAFFU CYMUNEDAU, CARTREFI AC ADFYWIO

DYDD IAU, 26 IONAWR 2023

PRESENNOL: Y Cynghorydd D.M. Cundy (Cadeirydd)(Yn rhithwir)

Cynghorwyr (Yn rhithwir):

B.W. Jones	W.R.A. Davies	B. Davies	T. Davies
N. Evans	R.E. Evans	H.L. Davies	J.K. Howell
A. Leyshon	H.B. Shepardson	R. Sparks	

Hefyd yn bresennol (Yn rhithwir)

Cynghorydd L. Evans – Aelod Cabinet dros Gartrefi a Dirprwy Arweinydd
Cynghorydd A. Davies - Aelod Cabinet dros Faterion Gwledig a Pholisi Cynllunio
Cynghorydd A. Lenny - Aelod Cabinet dros Adnoddau
Cynghorydd G. John - Aelod Cabinet dros Adfywio, Hamdden, Diwylliant a Thwristiaeth

Hefyd yn bresennol (Yn rhithwyr):

R. Hemingway, Pennaeth Gwasanaethau Ariannol
J. Jones, Pennaeth Adfywio
J. Fearn, Pennaeth Eiddo Tai a Phrosiectau Strategol
I. Jones, Pennaeth Hamdden
J. Morgan, Pennaeth Cartrefi a Chymunedau Mwy Diogel
C. Daniels, Uwch Rheolwr Chwaraeon a Hamdden
J. Davies, Uwch-reolwr y Gwasanaethau Diwylliannol
H. Morgan, Rhelowr Datblygu Economaidd
A. Bowen, Arweinydd Buddsodi yn ein Tai
A. Jones, Procurement & Contracting Officer
R. Parkinson, Arweinydd Tim - Cyngor ynghylch Tai
J. Williams, Rapid Rehousing Policy Lead
A. Eynon, Prif Gyfieithydd
E. Evans, Prif Swyddog Gwasanaethau Democrataidd
S. Hendy, Swyddog Cefnogi Aelodau
E. Bryer, Swyddog Gwasanaethau Democrataidd
K. Thomas, Swyddog Gwasanaethau Democrataidd

Rhith-Gyfarfod - 10.00 yb - 12.05 yp

1. YMDDIHEURIADAU AM ABSENOLDEB.

Cafwyd ymddiheuriad am absenoldeb gan y Cynghorydd M.Palfreman.

2. DATGANIADAU O FUDDIANNAU PERSONOL GAN GYNNWYS UNRHYW CHWIPIAU PLEIDIAU A RODDIR MEWN YMATEB I UNRHYW EITEM AR YR AGENDA

Ni chafwyd dim datganiadau ynghylch chwip waharddedig.

Y Cynghorydd	Rhif(au) y Cofnod	Y Math o Fuddiant
--------------	-------------------	-------------------

H. Shepardson	4 - Ymgynghori ynghylch Strategaeth Cyllideb Refeniw 2023/24 – 2025/26	Deiliad Tocyn ar gyfer y meysydd parcio ym Mharc Arfordirol y Mileniwm a Deiliad Tocyn Tymor i Barc Gwledig Pen-bre
R. Sparks	4 - Ymgynghori ynghylch Strategaeth Cyllideb Refeniw 2023/24 – 2025/26	Mae ganddo fusnes nofio a gollyngiad gan y Pwyllgor Safonau i siarad a gwneud sylwadau ysgrifenedig ond nid pleidleisio

3. CWESTIYNAU GAN Y CYHOEDD (NID OEDD DIM WEDI DOD I LAW)

Dywedodd y Cadeirydd nad oedd dim cwestiynau wedi dod i law gan y cyhoedd.

4. YMGYNGHORI YNGHYLCH STRATEGAETH Y GYLLIDEB REFENIW 2023/24 TAN 2025/26

(NODER: Roedd y Cynghorwyr H. Shepardson a R. Sparks wedi datgan buddiant yn yr eitem hon yn gynharach; ailddatganwyd y buddiant hwnnw ganddynt ac arhosont yn y cyfarfod tra oedd yr adroddiad yn cael ei ystyried)

Bu'r Pwyllgor yn ystyried adroddiad ar Strategaeth Cyllideb Refeniw'r Cyngor 2023/24 hyd at 2025/26, fel y'i cymeradwywyd gan y Bwrdd Gweithredol at ddibenion ymgynghori yn ei gyfarfod a gynhaliwyd ar 9 Ionawr 2023. Roedd yr adroddiad yn darparu'r sefyllfa bresennol i'r Aelodau ynghylch y Gyllideb Refeniw ar gyfer 2023/2024, ynghyd â ffigurau dangosol ar gyfer blynyddoedd ariannol 2024/2025 a 2025/2026, yn seiliedig ar ragamcanion ynghylch gofynion gwariant y swyddogion ac yn ystyried y setliad amodol a gyhoeddwyd gan Lywodraeth Cymru ar 14 Rhagfyr 2022.

Dywedodd y Pwyllgor, er bod y setliad amodol a gyhoeddwyd yn cynrychioli cynnydd cyfartalog o 8.0% ledled Cymru ar setliad 2022/23, fod cynnydd Sir Gaerfyrddin wedi bod yn 8.5% (£26.432m) gan felly gymryd y Cyllid Allanol Cyfun i £338.017m ar gyfer 2023/24. Er bod y setliad yn sylweddol uwch na'r ffigur dangosol cychwynnol, sef cynnydd o 3.4%, ac yn darparu tua £15.5m yn fwy na rhagdybiaeth wreiddiol y Cyngor, roedd Llywodraeth Cymru wedi cydnabod na fyddai'r ffigur cynyddol yn ddigonol o hyd i ymdopi â'r pwysau chwyddiant oedd yn wynebu cynghorau, dyfarniadau cyflog, a'r cynnydd mewn prisiau tanwydd, ac roedd penderfyniadau anodd i'w gwneud.

Tra bo cynigion y gyllideb yn tybio bod yr holl gynigion am arbedion yn cael eu cyflawni'n llawn, nodwyd byddai angen gwneud gwaith pellach i ddatblygu'r gostyngiadau mewn costau ar gyfer blynyddoedd ariannol 2024/25 a 2025/26 er mwyn gallu cynnal y Strategaeth Cyllideb a'r lefel Treth Gyngor presennol.

Dywedwyd, o ystyried risgiau presennol Strategaeth y Gyllideb a'r cefndir parhaus o ran chwyddiant ynghyd â gwasgfydd cyllidebol eraill, fod y cynnydd arfaethedig yn y Dreth Gyngor ar gyfer 2023/24 wedi'i osod yn 7% i liniaru gostyngiadau i wasanaethau critigol. Ym mlynnyddoedd 2 a 3 roedd y darlun ariannol dal yn ansicr, ac, o'r herwydd, roedd codiadau dangosol enghreifftiol o 4% a 3% yn y Dreth Gyngor wedi cael eu gwneud at ddibenion cynllunio'n unig, gan geisio taro cydbwysedd gyda'r gostyngiadau yn y gyllideb. Byddai'r cynigion hynny yn cael eu hystyried gan y Cyngor wrth bennu lefel y Dreth Gyngor ar gyfer 2023/24 yn ei gyfarfod ar 1 Mawrth 2023. Yn ogystal, roedd ffigur setliad terfynol Llywodraeth Cymru i gael ei gyhoeddi ar 7 Mawrth 2023 a byddai unrhyw ddiwygiadau yr oedd yn ofynnol eu hystyried i strategaeth y gyllideb o'r cyhoeddiad hwnnw hefyd yn cael eu hystyried gan y Cyngor.

Bu'r Pwyllgor yn ystyried y wybodaeth gyllidebol fanwl ganlynol a oedd wedi'i hatodi i'r Strategaeth ac a oedd yn berthnasol i'w faes gorchwyl:

- **Atodiad A(i)**– Crynodeb o'r arbedion effeithlonrwydd ar gyfer y meysydd Adfywio, Hamdden, Lle a Chynaliadwyedd a Gwasanaethau Tai heblaw'r Cyfrif Refeniw Tai;
- **Atodiad A(ii)** – Crynodeb o'r Pwysau Twf ar gyfer y Gwasanaethau Lle a Chynaliadwyedd, - dim un ar gyfer meysydd Adfywio, Hamdden a Gwasanaethau Tai heblaw'r Cyfrif Refeniw Tai;
- **Atodiad B** – adroddiad monitro'r Gyllideb ar gyfer y meysydd Adfywio, Hamdden, Lle a Chynaliadwyedd a Gwasanaethau Tai heblaw'r Cyfrif Refeniw Tai;
- **Atodiad C** – Crynhoad Taliadau ar gyfer y meysydd Adfywio, Hamdden, Lle a Chynaliadwyedd a Gwasanaethau Tai heblaw'r Cyfrif Refeniw Tai;

Codwyd y cwestiynau/materion canlynol ar yr adroddiad:-

- O ran y seminarau cyllideb diweddar a gynhaliwyd ar gyfer cynghorwyr sir, cadarnhawyd nad oedd unrhyw newidiadau wedi'u gwneud i'r Strategaeth yn dilyn y seminarau. Fodd bynnag, byddai canlyniad yr ymarfer ymgynghori ffurfiol ar y gyllideb, a oedd yn cynnwys Pwyllgorau Craffu'r Cyngor a'r cyhoedd, yn cael ei goladu a'i gynnwys yn adroddiad ymgynghoriad y gyllideb i'r Cabinet a'r Cyngor, fel rhan o'u hystyriaethau ar Strategaeth y Gyllideb.

PENDERFYNWYD ARGYMELL I'R CABINET/CYNGOR: -

- 4.1 Bod yr Ymgynghoriad ynghylch Strategaeth Cyllideb Refeniw 2023/24 – 2025/26 yn cael ei dderbyn.**
- 4.2 Bod y Crynadau Taliadau ar gyfer y meysydd Adfywio, Hamdden, Lle a Chynaliadwyedd a Gwasanaethau Tai heblaw'r Cyfrif Refeniw Tai, fel y manylir yn Atodiad C i'r adroddiad, yn cael eu derbyn.**

5. GRWP GORCHWYL A GORFFEN - PWYLLGOR CRAFFU CYMUNEDAU, CARTREFI AC ADFYWIO: POLISI DYRANNU TAI CYMDEITHASOL BRYN

Rhoddodd y Pwyllgor ystyriaeth i adroddiad ei Grŵp Gorchwyl a Gorffen a sefydlwyd i ddatblygu Polisi Dyraniadau Tai Cymdeithasol Brys ar gyfer Sir Gaerfyrddin, er mwyn mynd i'r afael â'r sefyllfa ddigynsail lle'r oedd y Cyngor, fel yn achos pob Awdurdod Lleol Cymreig a Landlord Cymdeithasol Cofrestredig, yn wynebu mwy o alw am y cyflenwad o dai cymdeithasol.

Roedd yr adroddiad yn manylu ar waith y Grŵp, ac yn cynnwys Polisi Dyraniadau Brys arfaethedig, a oedd yn cynnig y byddai dyraniadau tai cymdeithasol yn Sir Gaerfyrddin yn y dyfodol drwy 'baru uniongyrchol' lle byddai'r Cyngor yn dyrannu'r holl eiddo oedd ar gael yn unol â meini prawf penodol, a hynny i'r rhai oedd yn ddigartref a'r rhai oedd â'r angen mwyaf o ran tai. Pe bai'r cynnig yn cael ei fabwysiadu, cynigiwyd ymhellach y byddai'r polisi brys yn ei le am tua blwyddyn er mwyn galluogi cynnal adolygiad llawn o'r 'Polisi Dyraniadau Cyffredin', y byddai angen ei atal tra bo'r polisi brys yn weithredol. Dywedwyd hefyd, pe bai'r polisi'n cael ei fabwysiadu, ac nad oedd modd dyrannu'r holl eiddo oedd ar gael ar adeg benodol, y byddai'r rhai oedd heb eu dyrannu ar gael trwy 'Canfod Cartref' i bobl gynnig amdanynt, fel oedd yn digwydd ar hyn o bryd.

Diolchodd y Pwyllgor i aelodau'r Grŵp Gorchwyl a Gorffen a'r swyddogion fu'n rhan o'r adolygiad am eu gwaith wrth ddatblygu'r Polisi Dyraniadau Brys arfaethedig.

Codwyd y cwestiynau/materion canlynol ar yr adroddiad:-

- Cadarnhawyd os na fyddai eiddo oedd ar gael yn cael ei baru'n uniongyrchol, yn unol â meini prawf penodol, byddai'n cael ei hysbysebu ar 'Canfod Cartref' i'r rhai ar y Gofrestr Tai gynnig amdano, fel oedd yn digwydd ar hyn o bryd.
- Cyfeiriwyd at y system bresennol ar gyfer cynnig am eiddo, lle roedd eiddo'n cael eu hysbysebu am hanner nos ar ddydd lau tan hanner nos y dydd Llun canlynol, ac at y ffaith bod rhai pobl yn aros lan hyd at hanner nos ar y dydd lau i gyflwyno eu cais yn gynnar. Awgrymwyd bod yr amser cychwyn yn cael ei newid i dyweder 6.00am ar fore Gwener.

Er byddai hynny'n bosibl, dywedwyd wrth y Pwyllgor fod y ffenestr i bobl gyflwyno cais ar agor am bedwar diwrnod, a gellid cyflwyno cais unrhyw bryd o fewn y ffenestr honno. Cadarnhawyd hefyd mai'r angen oedd yn bwysig wrth ddyrannu eiddo, ac nid pryd cyflwynwyd cais. Dywedodd y Pennaeth Cartrefi a Chymunedau Mwy Diogel y byddai'n bwrw golwg ar y geiriad ar Canfod Cartref fel ei fod yn egluro'n well y broses o wneud cynnig.

- O ran cwestiwn ar faint o lety dros dro oedd yn cael ei ddarparu i'r digartref, dywedodd y Pennaeth Cartrefi a Chymunedau Mwy Diogel, er bod dyrannu eiddo yn ffordd o fynd i'r afael â digartrefedd, fod dulliau eraill ar gael i'r Cyngor yn hynny o beth gan gynnwys adeiladu mwy o eiddo, defnyddio'r sector rhentu preifat, a phrynu eiddo.

Cadarnhaodd ymhellach, er bod y Cyngor bob amser yn ymdrechu i gartrefu'r rhai oedd yn ddigartref mewn mannau agos i'w cartrefi / teuluoedd ac ati, nad oedd hynny'n bosibl ar bob achlysur. Ar hyn o bryd, roedd 146 o bobl mewn llety dros dro ar gost o hyd at £100 y noson. Roedd Llywodraeth Cymru, o dderbyn y pwysau oedd ar lywodraeth leol

ar hyn o bryd o ran digartrefedd, wedi dyrannu cyllid ychwanegol er mwyn helpu i dalu'r costau hynny, gyda Sir Gâr yn cael cyfanswm o £0.5m.

- Cyfeiriwyd at gyflwyno'r Polisi Brys fel mesur dros dro am tua blwyddyn. Awgrymwyd y dylai aelodau'r Grŵp Gorchwyl a Gorffen gyfarfod â swyddogion bob deufis i werthuso gweithrediad y Polisi.

PENDERFYNWYD YN UNFRYDOL argymell i'r Cabinet/Cyngor :

- 5.1 bod y Polisi Dyrannu Tai Dros Dro Brys yn cael ei gymeradwyo;**
- 5.2 bod y Polisi Gosodiadau ar sail Dewis presennol yn cael ei atal am tua blwyddyn, a bod y Polisi Dyrannu Tai Cymdeithasol Dros Dro Brys yn cael ei weithredu;**
- 5.3 bod y Pwyllgor Craffu - Cymunedau, Cartrefi ac Adfywio yn cael y wybodaeth ddiweddaraf ym mhob cyfarfod ynghylch effeithiolrwydd y newid;**
- 5.4 bod cynnwys yr adroddiadau diweddarau yn cynnwys data ynghylch y cyfnod blaenorol sy'n cyfeirio at:**
 - **Cyfran yr eiddo a barwyd yn uniongyrchol a'r rhai a hysbysebwyd;**
 - **Bandiau'r cleientiaid a barwyd;**
 - **Nifer yr eiddo a barwyd yn uniongyrchol ac a hysbysebwyd gan bob ardal gymunedol, math o eiddo a landlord;**
 - **Cyfran yr achosion o baru uniongyrchol a oedd yn llwyddiannus;**
 - **Nifer yr achosion o baru uniongyrchol lle mae'r cleientiaid yn gofyn am adolygiad o'r dyraniad, a chanlyniad yr adolygiadau hynny;**
 - **Nifer yr achosion o baru uniongyrchol lle mae'r cleientiaid yn gwrthod y dyraniad ond nid yw'n gofyn am adolygiad**
- 5.5 PENDERFYNWYD YN UNFRYDOL fod aelodau'r Grŵp Gorchwyl a Gorffen yn cwrdd bob deufis i fonitro gweithrediad y Polisi Brys**
- 5.6 PENDERFYNWYD cadw'r system bresennol o ddechrau hysbysebu eiddo ar 'Canfod Cartref' am hanner nos ar ddydd lau.**

6. STRATEGAETH RHAGLEN CYMORTH TAI 2022-2026

Bu'r Pwyllgor yn ystyried adroddiad am Strategaeth Rhaglen Cymorth Tai 2022-2026, a luniwyd yn unol â gofynion Llywodraeth Cymru, a oedd yn manylu ar

flaenoriaethau strategol y Cyngor, a'i asiantaethau partner, ar wasanaethau atal digartrefedd a gwasanaethau cymorth sy'n gysylltiedig â thair dros y 4 blynedd nesaf (2022-26). Roedd y Strategaeth yn diweddarau'r blaenoriaethau cynharach oedd yn hen strategaeth ddigartrefedd yr Awdurdod Lleol a Chynllun Cyflawni'r Grant Cymorth Tai ar gyfer 2021-22, ac roedd ymarfer asesu anghenion cynhwysfawr yn llywio datblygiad y blaenoriaethau, a oedd yn cynnwys ymgysylltu'n uniongyrchol â rhanddeiliaid yn yr Awdurdod Lleol, darparwyr gwasanaethau cymorth, a defnyddwyr gwasanaeth.

Rhodddwyd sylw i'r cwestiynau/materion canlynol wrth drafod yr adroddiad:

- Cyfeiriwyd at y ffynonellau ariannu a nodwyd yn yr adroddiad a cheisiwyd eglurhad sut byddai hynny'n cefnogi'r camau gweithredu oedd yng nghynllun gweithredu'r adroddiad.

Dyweddodd y Pennaeth Cartrefi a Chymunedau Mwy Diogel fod y defnydd o ffynonellau ariannu yn dibynnu a oedd y cam gweithredu'n ymwneud â gwariant cyfalaf neu refeniw. Rhoddodd sicrwydd fod pob ymdrech yn cael ei gwneud i sicrhau bod cymaint o arian ag oedd yn bosibl ar gael gan gynnwys cyllid ar y cyd, Cyfrif Refeniw Tai ynghyd ag Arian Llywodraeth Cymru.

- O ran y Grant Cymorth Tai gwerth £8.8m gan Lywodraeth Cymru, dyraniad dangosol oedd hwnnw hyd at fis Mawrth 2025. Yn unol â hynny, roedd yn cael ei gymryd y byddai'r grant yn dod i law hyd at yr amser hwnnw. Fodd bynnag, byddai lefelau ariannu'r dyfodol y tu hwnt i'r dyddiad hwnnw yn dibynnu ar flaenoriaethau Llywodraeth Cymru.
- Dywedwyd bod y camau gweithredu yn y Cynllun hyd at fis Mawrth 2023, a cheisiwyd eglurhad sut byddai'r cynllun yn cael ei ddiwygio rhywfaint ar ôl yr amser hwnnw. Cadarnhawyd bod telerau ac amodau'r Grant Cymorth Tai yn nodi rheidwydd i ddiweddarau'r Cynllun Gweithredu bob dwy flynedd, ac, yn unol â'r gofyniad hwnnw, byddai hynny'n digwydd eleni.
- O ran cyflwyno Hysbysiadau Adran 21 gan landlordiaid preifat, adroddwyd bod gostyngiad bach wedi bod yn nifer yr hysbysiadau oedd wedi'u cyflwyno ers gweithredu Deddf Rhentu Cartrefi (Cymru) ym mis Rhagfyr 2022. Fodd bynnag, roedd hawl cyflwyno hysbysiadau i denantiaid oedd ar gontractau treigl hyd at 23 Mehefin. Y gobaith oedd y byddai'r polisi dyraniadau newydd yn galluogi'r awdurdod i gartrefu pobl ddigartref heb orfod eu gosod mewn llety dros dro.

PENDERFYNWYD YN UNFRYDOL gymeradwyo Strategaeth Rhaglen Cymorth Tai 2022-2026.

7. CYNLLUN PONTIO AILGARTREFU CYFLYM 2022 - 2027

Ystyriodd y Pwyllgor Gynllun Pontio Ailgartrefu Cyflym 2022-27, a luniwyd yn unol â gofynion Llywodraeth Cymru, a oedd yn cynnwys cyfres o Gamau Gweithredu Lefel Uchel er mwyn galluogi'r Cyngor i bontio i ddull Ailgartrefu Cyflym i helpu i wneud digartrefedd yn Sir Gaerfyrddin yn brin ac yn fyr, ac i sicrhau nad yw'n digwydd dro ar ôl tro.

Codwyd y cwestiynau/materion canlynol ar yr adroddiad:-

- Cadarnhawyd, er bod yr amser roedd y digartref yn ei dreulio mewn llety dros dro yn Sir Gaerfyrddin yn amrywio, mai'r amser ar gyfartaledd oedd 3 – 4 mis. Fodd bynnag, fe wnaed pob ymdrech i osod pobl oedd mewn llety brys cyn gynted ag yr oedd yn bosibl.
- Dywedodd y Pennaeth Cartrefi a Chymunedau Mwy Diogel y gellid monitro'r amser roedd pobl yn ei dreulio mewn llety dros dro fel rhan o'r gwaith o fonitro'r Polisi Dyrannu Brys.
- Cyfeiriwyd at waith y timau digartref a mynegodd y Pwyllgor ei werthfawrogiad iddynt am eu holl waith caled.

PENDERFYNWYD YN UNFRYDOL gymeradwyo Cynllun Pontio Ailgartrefu Cyflym 2022-2027.

8. Y WYBODAETH DDIWEDDARAF AM GRONFA FFYNIANT GYFFREDIN Y DU

Rhoddodd y Pwyllgor ystyriaeth i adroddiad diweddarau am Gronfa Ffyniant Gyffredin y DU yn Sir Gaerfyrddin, a oedd wedi derbyn cyfanswm o £37m allan o gyfanswm y gronfa o £138m. Nodwyd bod yr adroddiad hefyd yn cynnwys, er gwybodaeth, ffurflen gais a meini prawf asesu ar gyfer y Prosiectau Angori a'r Prosiectau Annibynnol, a bod dogfen ganllawiau i gynorthwyo ymgeiswyr yn cael ei pharatoi ar hyn o bryd a fyddai ar gael yn fuan.

Dywedwyd wrth y Pwyllgor fod y Cabinet, yn ei gyfarfod ym mis Hydref 2022, wedi cymeradwyo'r model cyflawni ar gyfer gweithredu'r gronfa rhwng y prosiectau Angori, y prosiectau Annibynnol, a'r prosiectau a Gomisiynwyd, a bod y prosiectau Angori â thema canlynol wedi cael eu cymeradwyo:

Angori Cymunedol – darparu grant trydydd parti i gefnogi'r gwaith o ddatblygu a chreu gweithgareddau i gyd-fynd â'r themâu canlynol.

- Tlodi
- Economi Gylchol
- Llesiant / Hamdden
- Mynediad i Wasanaethau
- Amgylchedd a Gwyrdd
- Twristiaeth, Diwylliant / Treftadaeth
- Ymgysylltu â'r Gymuned

Angori Gwledig - yn cynnwys 3 elfen:

- Menter Deg Tref
- Cronfa Arloesi Gwledig
- Hwb Fach y Wlad

Angori Lle: - cefnogi canol trefi drwy Gronfa Eiddo Gwag, Cronfa Digwyddiadau Canol Trefi, a phe cyn cymorth i gyflawni prosiectau allweddol a nodwyd yn ein Cynlluniau Adfer Canol Trefi, er mwyn mynd i'r afael â'r heriau parhaus.

Angori Cynorthwyo Busnesau Lleol: cynnig cymorth ariannol i fusnesau lleol i'w cefnogi ym mhob cam o'u datblygiad trwy Grantiau Cychwyn Busnes a Thwf, Cronfa Ynni Adnewyddadwy i Fusnesau, a hefyd Cronfa Datblygu Eiddo.

Yn ogystal, un ffocws allweddol fydd helpu busnesau Sir Gâr i elwa ar wariant caffael cyhoeddus.

Angori Cyflogadwyedd a Sgiliau: Roedd rhaglen gyflogadwyedd newydd symlach yn cael ei datblygu a byddai ffocws ar weithgarwch y tu allan i gylch gwaith y Bartneriaeth Dysgu a Sgiliau Rhanbarthol a phrosiect Sgiliau a Thalentau Bargen Ddinesig Bae Abertawe.

Roedd y cyllidebau gwaith ar gyfer y themâu yn Sir Gaerfyrddin fel yr isod. Fodd bynnag, gallai'r rheiny newid wrth i'r rhaglen gychwyn a byddai angen hyblygrwydd i alluogi trosglwyddo arian o fewn pob thema a rhyngddynt er mwyn cyflawni gofynion y Cynllun Buddsoddi.

Thema Cronfa Ffyniant Gyffredin y DU	Cyllideb Weithio (cyllideb weinyddol o 4% wedi'i thynnu o'r ffigurau isod)
Cymuned a Lle	£10,240,933.76
Cefnogi Busnesau Lleol	£10,240,933.76
Pobl a Sgiliau	£10,240,933.76
Lluosi	£6,413,012

Codwyd y cwestiynau/materion canlynol ar yr adroddiad;

- Cadarnhawyd bod y thema Lluosi yn ymwneud â'r rhaglen rifedd newydd i oedolion lle'r oedd y Cyngor yn gweithio gyda Choleg Sir Gâr a rhanddeiliaid ehangach ar ei gyflawni. Roedd ystyriaeth hefyd yn cael ei rhoi i'r posibiliad o gynnwys sgiliau digidol yn y thema.
- Cadarnhawyd bod y Gronfa Ffyniant Gyffredin ar hyn o bryd yn mynd drwy broses ddemocrataidd pedwar awdurdod cyfansoddol Bargen Ddinesig Bae Abertawe, sef Sir Gaerfyrddin, Castell-nedd Port Talbot, Powys ac Abertawe, a'r gobaith oedd trefnu digwyddiad lansio ar y cyd yn yr wythnos yn dechrau ar 27 Chwefror.
- Soniwyd bod rhaid defnyddio cyllid 2022/23 erbyn Mawrth '23, a holwyd a oedd unrhyw risgiau yn gysylltiedig â hynny. Er bod adroddiadau blaenorol wedi nodi y byddai gwariant yn digwydd yn y flwyddyn ariannol bresennol, cadarnhawyd bod oedi gan Lywodraeth y DU wedi golygu na fyddai'n bosibl cyflawni'r gwariant gofynnol erbyn mis Mawrth. Yn unol â hynny, roedd Llywodraeth y DU wedi caniatáu hyblygrwydd i symud y cyllid i'r flwyddyn ariannol nesaf, yn amodol ar gyfiawnhad, ac ni fyddai unrhyw arian yn cael ei golli. Cadarnhawyd hefyd y byddai'r cyllid hyd at fis Mawrth 2025.
- Cadarnhawyd bod Menter y Deg Tref yn rhan o'r Angori Gwledig, ac os oedd unrhyw brosiectau am arian, byddai angen eu cyflwyno drwy'r

broses ymgeisio a gymeradwywyd. Byddai swyddogion o'r adran hefyd yn cysylltu â'r tîm deg tref wrth gyflwyno prosiectau ar gyfer cyllid.

- Cadarnhawyd, yn ogystal â menter y deg tref, fod cyfleoedd i'r holl gynghorau tref a chymuned yn Sir Gaerfyrddin wneud cais am arian, a byddid yn cysylltu â chlercod yr awdurdodau hynny ynghylch y peth.

PENDERFYNWYD YN UNFRYDOL dderbyn yr adroddiad diweddar ynghylch Cronfa Ffyniant Gyffredin y DU.

9. PEIDIO Â CHYFLWYNO ADRODDIAD CRAFFU

Cafodd y Pwyllgor esboniad dros beidio â chyflwyno'r adroddiadau craffu canlynol

- Cynlluniau Busnes

PENDERFYNWYD nodi'r eglurhad am beidio â chyflwyno'r adroddiadau.

10. EITEMAU AR GYFER Y DYFODOL

Cafodd y Pwyllgor restr o'r eitemau a fyddai'n cael eu hystyried yn ei gyfarfod nesaf ar 23 Chwefror 2023.

PENDERFYNWYD YN UNFRYDOL nodi'r rhestr o eitemau ar gyfer y dyfodol a oedd i'w hystyried yn y cyfarfod nesaf ar 23 Chwefror 2023.

11. LLOFNODI YN GOFNOD CYWIR GOFNODION Y PWYLLGOR A GYNHALIWDYD AR 19 RHAGFYR 2022

PENDERFYNWYD YN UNFRYDOL lofnodi cofnodion cyfarfod y Pwyllgor a gynhaliwyd ar 19 Rhagfyr 2022 yn gofnod cywir.

CHAIR

DATE